

下冊
辭字
學校
會館
戲臺
雜題
投贈
諧謔
諺語
雜綴

古今聯語彙選集

上海商務印書館

版

廨宇

乾隆初山東徐公士林開府吳中嘗設宴滄浪亭

款待士紳教民節儉門懸一聯云門前對滄浪

之水座上揖先生之風堂聯云

三秋剛報賽休辜美景良辰請先生閑談
談問地方上士習民風何因何革 五簋
可留賓何用張燈結彩教百姓都看看想
平日間競奢鬪靡孰是孰非

薛太守書常題蘇州貢院聯

文教開言子曰學道曰愛人願諸生無忘
所本 鄉賢式范公爲名臣爲循吏從此
地先植厥基

閩縣王可莊殿撰仁堪守潤州於郡齋東偏隙地

古今聯語彙選三集 廨宇

小有結構竹籬茅舍楚楚可觀其同鄉孝廉葉

臨恭明府大莊贈以聯云

郡齋讀書借官地二畝 江城如畫看煙
樹萬家

又可莊太守自署府廨宅內門聯

西園翰墨 北府旌旗

上海縣署中有亭曰抱影山陰沈寶昌聯云

漫將詩酒酬功業 喜有鶯花是部民

崑山試院聯

德行本焉文藝末焉當先本而後末 實
勝善也名勝恥也宜責實以循名

周沐潤宰常熟時榜一聯於縣門云

五日風十日雨歲乃常熟 九年耕三年

食民其姑蘇

無錫縣署聯

有吳地肇江南大 無錫人歌天下清

李紫璠師超瓊題江陰縣署聯

帝澤如春看庭前草色蔥蘢願境內都含
斯意 江城入畫聽郭外潮聲澎湃疑民
間尙有不平

南通縣前清爲直隸州光復後改爲南通縣縣前

建大鐘樓一高十餘丈張耆老聯云

昔日是州今是縣 江淮之秀海之壩

徐州府署聯

逞着性子這裏來官雖恕法不恕 留點
功夫那頭幹耕固高讀尤高

咸同間知府周肅作

徐淮生代某君題淮北運署臬園聯

羣樹合參天更兼入座花開長使名園留
勝蹟 萬方正多事只此一官匏繫不知
何術對蒼生

長沙徐定生先生以大挑出知贛榆題縣署二門

聯云

我亦知才力無多重門洞開期使下情毋
壅 爾各以身家自保百事惟忍勿因小
忿輕來

山陽縣署聯

不食民一粟不受民一錢乃吳隱之爲太
守 先天下而憂後天下而樂是范文正

做秀才

廣東學署聯

越以南一大州極文犀生翠之瑰奇林映
泉迴乍可囊攜雙硯北 海於地爲巨浸
看貝氣珠光之煥發物浮水盛敢云首障
百川東

廣州督署廣益堂爲張文襄督粵時幕僚治事之

所文襄題聯云

職事無荒不煩士行撈蒲誠 功名接武
同韻揚州芍藥花

又署內書齋聯

居敬行簡可使南面 爲政以德譬如北
辰

又聯

不犯秋毫岳武穆 能寒夏膽范希文

曹伯謬君爲寶安縣署中各聯俱嵌入寶安二字

頗見自然茲錄數聯於左

寶善親賢嘗奉教君子 安民和衆請從
事斯言

又聯

寶氣衝霄把劍思將奸宄靖 安仁作縣
栽花不覺訟庭閒

又聯

失德由寵賂章昔賢以不貪爲寶 得情
存哀矜意吾心因無枉而安

又聯

縱橫百里比古諸侯惟此土地人民政事
是寶 南北一家屬今衆望願爾父子兄
弟夫婦俱安

許賓衢廉訪能以文雅飾吏治重修廣西臬署題

四照山房聯云

嶺外費經營獨秀峯前虧簞易 廬中論
事業孔明臺畔結鄰難

又唾綠亭聯

從星巖風洞而來別開生面 於月榭雲
窗以外高置此身

楊鹿生明府丹壽題廣西陽朔縣花廳聯

故鄉無此湖山看象嶺霞蒸鶴塘雲淨
今夕只談風月趁楓絲春脆桂蠹秋肥

嘉興王蔭昀甲榮題富川縣署二堂聯

好民所好惡民所惡 寧人負我毋我負

人

柯遜庵題陝西學使署聯

結習未忘袖中攜一卷離騷美人香草

觀風所至天外見三峯落雁玉女蓮花

閻文介公代某君題鳳翔縣大堂聯

我若賣法腦塗地 爾敢欺心頭有天

楊蘇父先生題西安武闥聯

漢代徙豪傑實關中迄今汧渭遺風猶稱

雄武 國家以弧矢威天下願得干城偉

略上應旁求

又聯

三輔故多才駟鐵雄風猶近古
八荒今無事羽林衛士盡通經

又題河縣公廨聯

毋博寬大名去害馬乃能牧馬
敢云清白吏唯嗜魚故不受魚

又集石鼓字聯

天然河北好山水
我是關西眞子孫

又題漢中權局聯

握算愧非長惟自勵一腔冰雪
牽車來不易要多留幾點脂膏

又題權局客室聯

入芝蘭室久而不覺
去關市征今茲未能

又聯

尙有題襟遺韻在
不妨監稅載書來

又題權局大門聯

釐麤遺我
金玉其相

漢書劉向傳引詩來麤作釐麤

南通顧姓谷會垣題宜君縣署大門聯

左馮翊要衝通南道北道袤九十里而遙
行旅出其塗商賈藏其市
古昇平樂國
統土城下城暨卅五社之衆農夫忭於野
官吏慶於庭

又題二門聯

茲乃漢晉時祿祔雲陽故區繡錯綺交久
拓封疆三輔重
昔爲鄜坊間護軍刺史

要職經文緯武莫嫌令長一官卑

又題大堂聯

揆度衆情以宜吾民保障繭絲或者孱區
成沃壤 被服儒術而君斯邑刀筆筐篋
將毋俗吏勝經生

又題二堂聯

宜樹藝宜畜牧叢爾之國洵壯哉縣也
君百里君下民眇焉此軀亦能其官乎

又題三堂聯

金鎖雄圖資篋鑰 玉華爽籟起笙竿

金鎖關在同官出關卽界縣境玉華宮在縣境唐

太宗辟暑於此

又題內宅聯

左宜右有 上君下民

又題花廳聯

每見桑麻心輒喜 但逢冰雪氣常溫

又題幕寮聯

斯是陋室 我有嘉賓

又題耀州署大門聯

屏侯周甸服 節鎮宋軍州

又題儀門聯

郡以鑑山有光得名或稱宜州崇州輝州
北雍州輿志具存控馭朔方資鎖鑰 地
於井宿所次爲域繫若傳氏柳氏梁氏令
狐氏人文迭起爭衡上國蔚冠裳

又題大堂聯

惟茲夙稱北地郡通州郡宜君郡道當慶
延之衝屹然大邦錯繡允爲三輔最 自
昔洊升刺史州團練州節度州位在守令
以上沿及今日剖符猶視列侯尊

又題二堂聯

北雍峙雄州在昔爲左輔屏藩六城師帥
東邠稱沃壤至今有成周風土七月詩
篇

又題三堂聯

縣譜作州書好評量而野耕桑滿城煙樹
公餘庀家事尙檢點過庭詩禮酬世文
章

又題花廳聯

古今聯語彙選三集 廨宇

北地官仍遷北地 崇州人又官崇州

原跋吾通曰崇州耀於五季魏寔北地郡於此元
魏時徙治宜君宜故北地余以通產自宜邑移牧
斯州故云

又聯

左輔斗辟州內富外同曾以茲爲旁縣長
昔賢過化地先憂後樂須知我亦秀才

官

富平同官舊隸耀州明喬三石州志二縣附焉范

文正嘗以戶部員外郎知耀州

又題二堂東廊聯

蘊石未能殊俗尙 彈毫不覺現神通

原注云譚真君龜蛇二字碑字各徑尺許如其形

居人募爲鎮宅符舊在五台山日事櫻楊頗著靈

異移置署儀門今又移此

又題四堂聯

川媚山輝看二水潏洄諸峯羅列 年豐

歲稔有四城供億百里謳歌

又題內宅聯

施於有政是亦爲政 宜其家人而后教

人

又題內院門聯

還期出谷遷喬木 且喜開門見遠山

又題醴泉縣署大門聯

剛柔輕重遲速異齊若作酒醴 康樂和

親安平爲一達於淵泉

又題儀門聯

萬靈明廷敷於周谷於秦邑於漢郡於晉
至隋開皇乃有今縣 三輔沃壤巘之南
泚之北邠之東鎬之西在左馮翊實爲衝
區

又題大堂聯

立縣一千三百年曰赤畿曰冲煩實兼有
溫秀寧夷二境 轄地五衛十八里爲鹵
絲爲保障要無慙原涉杜軫諸人

又題二堂聯

選學官童子使坐受事免其更繇次補孝
弟力田使傳教令 召郡中長老設酒具
食間以謠俗爲陳和睦親愛銷除怨咨

又聯

下官由北地量移彼郡高門好我每談理
縣譜 舊治與西都密邇昔賢遺澤逢人
爲誦諭蒙書

傅氏華原右族南北朝傳僧祐父子爲山陰令並
著循績世傳諸傳有理縣譜華原今耀州也 唐
馮伉爲醴泉令縣多鬪猾數犯法伉著諭蒙書十
四篇鄉鄉授之轉相教督

又題二堂聯

當官理任判斷爲樂 典城臨民謗譽所
騰

又聯

理財正辭公私治辦 清身潔己內外輯

古今聯語彙選三集 廊宇

和

又題花廳聯

問十孝四義六仲各里所疾苦所便安坦
然相見 與九嶺五牀三陽諸山若將迎
若拱揖快哉斯遊

又聯

響答詩筒電掃庭訟 晝了公事夜接詞
人

又題內宅聯

略嘗宦味如彭澤 恰稱家風是建康
顧憲之令建康甚得民和京師飲酒者得醉旨輒
號爲顧建康

又聯

躋彼公堂爲酒爲醴 出自幽谷我池我

泉

又題內宅聯

含甘吮滋且以酌醴 息深達壺如彼流

泉

又聯

心氣和平味言若醴 文章爾雅誦思爲

泉

又題署內廚房聯

莫畏爾多言與青州從事爲緣香濃旨醴

如使予欲富有白水真人在此光溢肥

泉

又題上房神龕聯

民和年豐奉粢盛奉酒醴 家給人足掌
財幣掌貨泉

又題邵陽縣署大門聯

立國唐虞三代而上風流標映如元聖躬
耕先賢講授彬彬尙已至近世則歸善吳
興黃湄太乙官師人物焜燿一時屹此大
邦每企前徽後起 晝曷秦晉兩省之
交形勢夙成有梁山屏蔽金水灌輸鬱鬱
佳哉其四鄉曰西河萬安常豐仙宮圖甲
村坊膏沃百里眇茲小宰要從短馭見長
材

又題儀門聯

自殷周以來屹然大邦梁山外屏遠攬汾

晉黃河內灌交匯金徐卽一官一邑畫野
宅師形勝如故也 當參井之分卓彼前
哲保衡先正誕靈空桑文學眞儒傳經石
室蓋昔聖昔賢牖民覺世風教固殊焉

又題大堂聯

拓置馮翊以西屬國罷侯佳氣遙連秦內
史 接壤汾睢之上乘輿望幸神光直指
漢中都

又題二堂聯

不才係明德後人溯妣后宗盟周之於越
商之有莘異代尙稱同姓國 臣里鄰文
學舊里播孔門風教南則言子西則卜氏
大家都有本經師

又題花廳聯

剛日讀經柔日讀史 閒居言禮燕居言
詩

又聯

要使春華資殿最 尙留花草啟童蒙

陝垣四關並設釐稅局東關尤衝劇光緒戊子

南通顧姓谷會垣膺斯役歲杪又題聯於局

門云

右界襄隴左據函嶠表山帶川橫被六合
東市齊魯南賈荆楚闔城溢郭旁流百
塵

又題宅門聯

錙銖釐毫習算博士業 第宅臧獲猶儒

先生家

又題客堂聯

臣門如市臣心如水 今人與居古人與

稽

又題門房聯

投刺當關毋選事 典籤記室要知書

宜君一縣每屆三年學使者按試北山往來必

過此塗澤館舍以備一夕之衛其南曰烈泉

北曰偏橋各距縣三四十里亦爲之供張戴

星奔命碌碌數日乃已南通顧旌谷會烜又

題其大門聯云

斗辟一方金鎖啓關趨祿祠 皇華五善

繡衣行部駕軒輅

又題大廳聯

其人如景星慶雲快爭先觀 此地有崇

山峻嶺暢敘幽情

又聯

神爵昔年祠泰壹 征驂一路入昇平

又題兩配房聯

夙駕每瞻東井宿 獨賢應賦北山篇

耀州爲北山首程輶傳送迎猶宜君也惟館宇

軒敞賓徒憩息非夫穴處而無屋者且免中

途供具之費南通顧旌谷會烜又題其大門

聯云

四牡皇華古之膚使 五原上郡茲焉首

塗

又題二門聯

炎序急王程儘蒐羅絕代輶軒朔方千簫
偏州開候館且領略五臺檜柏二水菰
蒲

又題大堂聯

自昔輶軒重職必簡嚴徐東馬侍從清班
懷荒振遠於外 惟茲祓禡故區上通榆
綏延廊衝辟要道問俗采風其間

又題花廳聯

三輔紀郵籤北地郡分古內史 九天明
使節南華經有大宗師

又題內宅聯

原濕駢征小雅詩人勞跋涉 橋門鵲望

古今聯語彙選三集 廟宇

北方學者待甄陶

又題幕寮聯

琢璧披金蔡復一致賀學道啟 括羽錦
績劉孝濺監策秀才詩

醴泉嶠南書院東側號舍鱗次爲歲科童試之

所南通顧姓谷曾烜又題其大門聯云

錦績括羽瓌寶畢至 冰壺玉尺纖塵弗
汗

又題大堂聯

立鵠盡英雄入彀早符唐帝語 噦鸞無
小大觀旂都誦魯侯詩

又堂柱聯

曾是昔年辛苦地 安得廣廈千萬間

郃邑斗辟軒蓋甚稀惟本郡太守行部往來信

宿治辦如儀南通顧姓谷曾烜又題聯云

望隆漢代二千石 惠普梁山廿四峯

又聯

十屬拊循熊畫軾 萬人歌祝雀銜環

又聯

檠戟遙臨檐帷暫駐 街衢洞達疆場綺

紛

又聯

周道賦駢征方國風言陳史氏 偏區停

騎從野田星駕趣官人

四川兵工廠門聯

兵不在多攻心爲上 工欲善事利器必

先

鈕傳善題德陽警察署聯

警爾頑民有恥且格 察於上下防患未

然

成都將軍入都祝嘏楊蘇父先生題其行署聯云

松州舊領殿前軍克奏膚公入覲帝城雙

鳳闕 桃實新開天上宴欽承手詔同稱

王母九霞觴

徐琴舫學士題鄧都考棚大門聯

舉一人焉拔其尤是鶚薦之初漫云小試

行千里者始於近聽鹿鳴在後當有奇

材

縣後有鹿鳴寺卽東坡聽鹿鳴處也

又題看卷房聯

醒眼辨丹黃曾記當年辛苦否
輕心違黑白其如後世子孫何

清苑樊蔭葆裕代許紫繩方伯題四川藩署內乃

園三百梅花山館聯云

漫說梅花三百樹不見放翁料月白風清
也要化身千億 試向錦江萬里橋來尋
工部問秋光春色可能讓我幾分

又聯

此是荔裳百梅亭舊基况一壑一邱又從
秦樹蜀山攜來粉本 恰與上谷古蓮池
相似對斯臺斯榭更覺荷花秋水動我鄉
情

古今聯語彙選三集 廟宇

又聯

對風月累千觴與君今夕傾談借箸預籌
天下事 拓園林十數畝無論明年何處
栽花先釀萬家春

乃園爲嘉慶間楊荔裳任川藩時所築光緒甲辰
許紫繩由陝藩移蜀重葺斯園補種梅花三百樹
并於園北隙地鑿池栽蓮其風景與保定元張柔
古蓮華池頗相似

張廣楠題西陽州署清舫亭聯

二酉舊藏書訪巖洞遺蹤斷簡已無人宛
在一琴新治譜看山川生色憑欄遙見
鶴歸來

善化張廣楠題秀山縣署門聯

此邦亦號成都四面雲山開沃野 勝地

舊名高秀一江春水繞邊城

楊建屏集句題涪州學署瞰江樓聯

二分明月二分水 半入江風半入雲

四川某縣麻聯

花縣有春琴鶴靜 青天不夜斗牛高

瀘縣劉珊洲司訓樂山署中海棠甚盛家有荔枝

數百株因題齋聯云

海棠香國世界 荔枝紅處人家

登州王幼海太守題雲南麗江府大堂聯

曾聽說八千里外壤接吐蕃處處盡革囊
古渡從幾時潛消煙瘴乃覺得山堆玉屑
水擁金沙點綴些疙烏蠻花居然佳麗憑

誰去臨池潑墨能把這邊域五城風俗都
知與佛國爲緣並熬茶以乳啜酒以竿取
作詩材另寫出一番境界 若論到數百
年前家鄰洱海區區亦滇澤蒼生喜今茲
漸遠狂獠無非是雪裏刀耕日中櫓負吹
打着蘆笙銅鼓共樂昇平惜我來借箸獻
籌纔辨明郡志九種夷人竟遺却龍巴未
紀如民曰佉先官曰率選略諳土語已拋
將兩載工夫

吳悔晦先生代唐啓虞題雲南高等審判廳聯

世界三權法亦特權獨立示尊嚴竊願後
有來者 西南諸國演爲大國百城忝表
率相期下無冤民